



## GRAD TUZLA

Na osnovu tačke VI Pravilnika o utvrđivanju uslova, kriterija i postupka dodjele nepovratnih sredstava za novčanu podršku privrednim subjektima na području grada Tuzle („Službeni glasnik Grada Tuzla“, broj: 2/19 i 8/21), tačke 9. Programa utroška sredstava iz Budžeta Grada Tuzle za 2022. godinu namijenjenih za podršku privatnim preduzećima i poduzetnicima po Projektu „Siguran start“, broj: 04/11-A-013934-2022, od 19.08.2022. godine, Služba za ekonomski razvoj, poduzetništvo i poljoprivredu Grada Tuzla, **dana 22.08.2022. godine**, objavljuje:

### JAVNI POZIV

**za učešće u programu raspodjele sredstava iz Budžeta Grada Tuzle za 2022. godinu namjenjenih za podršku privatnim preduzećima i poduzetnicima po Projektu: “Siguran start”**

#### I Predmet Javnog poziva

Ovim Javnim pozivom prikupljaju se aplikacije (prijave) samostalnih djelatnosti registrovanih kod nadležnog organa Grada Tuzle u osnovnom zanimanju i privrednih društava registrovanih na području grada Tuzle.

Putem ovog Javnog poziva, po Projektu „Siguran start“, otvorene su dvije linije podrške i to:

- 1. Podrška za samostalne djelatnosti u osnovnom zanimanju i privredna društva novoregistrovana u tekućoj 2022. godini na području grada Tuzle;**
- 2. Podrška za samostalne djelatnosti u osnovnom zanimanju i privredna društva registrovana u 2021. godini na području grada Tuzle.**

#### II Iznos novčane podrške

Za raspodjelu putem ovog Javnog poziva raspoloživa su sredstva u ukupnom iznosu od 220.000,00 KM, od kojeg iznosa su sredstva u iznosu od 170.000,00 KM planirana na poziciji Budžeta Grada Tuzle za 2022. godinu, označenoj kao „Grant za podršku privatnim preduzećima i poduzetnicima2, ekonomski kod: 0406/614511-1, a sredstva u iznosu od 50.000,00 KM, na poziciji „Grant za podršku privatnim preduzećima i poduzetnicima“, ekonomski kod: V/0401/614511-1.

Sredstva iz prethodnog stava dodijelit će se korisnicima na ime sljedećih oblika podrške:

#### **II -1. Oblici podrške na koje se mogu prijaviti novoregistrovane firme u 2022. godini na području grada Tuzle:**

- a) refundiranje/finansiranje troškova obaveznih doprinosa za PiO i zdravstveno osiguranje i osiguranje od nezaposlenosti za vlasnika registrovane samostalne djelatnosti u tekućoj 2022. godini, za period od registracije pa do 31.12.2022. godine, najviše do **2.500,00 KM**.
- b) sufinansiranje do 50% troškova zakupa poslovnog prostora, a najviše do **2.500,00 KM** za samostalnu djelatnost ili privredno društvo registrovano u tekućoj 2022. godini.
- c) sufinansiranje nabavke neophodne opreme i sredstava za rad registrovanog subjekta do 49% vrijednosti nabavljene opreme, a najviše do **2.500,00 KM** za samostalnu djelatnost ili privredno društvo registrovano u tekućoj 2022. godini. Nabavljena sredstva ili oprema moraju biti novi, odnosno nekorišteni.
- d) sufinansiranje/finansiranje ugovorenih poslovnih usluga (računovodstvenih, pravnih, usluga marketinga, informatičkih, finansijskih i sl.), u vrijednosti do **2.500,00 KM**, za samostalnu djelatnost ili privredno društvo registrovano u tekućoj 2022. godini.

**Napomena:** Zainteresirani aplikanti mogu se prijaviti na jedan ili više oblika podrške, navedenih u okviru gornje tačke II-1. (a-d) ovog Javnog poziva, s tim da ukupan iznos obračunate podrške po svim oblicima podrške za koju su se prijavili, ne može biti veći od **3.000,00 KM**.

Utvrđeni iznos sredstava aplikantima koji budu zadovoljavali uslove javnog poziva će biti dodatno uvećan ukoliko zadovoljavaju slijedeće uslove:

- e. Privatnim preduzećima i samostalnim poduzetničkim djelatnostima čiji vlasnik/direktor pripada kategoriji „mladih“ starosti od 18-35 godina, prethodno navedeni iznosi svakog pojedinačnog oblika podrške, kao i maksimalan iznos podrške se uvećavaju za 10%.
- f. Privatnim preduzećima i samostalnim poduzetničkim djelatnostima čiji je vlasnik/direktor ženska osoba, prethodno navedeni iznosi svakog pojedinačnog oblika podrške, kao i maksimalan iznos podrške se uvećavaju za 5%.
- g. Ukoliko subjekat pripada kategoriji korisnika navedenih u podtačkama e. i f., tačke II-1 ovog Javnog poziva, predviđena uvećanja svakog od pojedinačnih iznosa podrške se sabiraju.

## **II-2. Oblici podrške na koje se mogu prijaviti firme registrovane u 2021. godini na području grada Tuzle:**

- a) refundiranje/finansiranje troškova obaveznih doprinosa za PiO i zdravstveno osiguranje i osiguranje od nezaposlenosti za vlasnika registrovane samostalne djelatnosti u 2021. godini za obaveze u periodu od 01.01.2022. do 31.12.2022. godine, najviše do **1.500,00 KM**.
- b) sufinansiranje do 50% troškova zakupa poslovnog prostora, a najviše do **1.500,00 KM** za samostalnu djelatnost ili privredno društvo registrovano u 2021. godini, za obaveze nastale u periodu od 01.01.2022. do 31.12.2022. godine
- c) sufinansiranje nabavke neophodne opreme i sredstava za rad registrovanog subjekta do 49% vrijednosti nabavljene opreme, a najviše do **1.500,00 KM** za samostalnu djelatnost ili privredno društvo registrovano u 2021. godini. Nabavljena sredstva ili oprema moraju biti novi, odnosno nekorišteni, i nabavljeni u 2022. godini.
- d) sufinansiranje/finansiranje ugovorenih poslovnih usluga (računovodstvenih, pravnih, usluga marketinga, informatičkih, finansijskih i sl.), u vrijednosti do **1.500,00 KM**, za samostalnu djelatnost ili privredno društvo registrovano u 2021. godini, za obaveze nastale u periodu od 01.01.2022. do 31.12.2022. godine

**Napomena:** Zainteresirani aplikanti mogu se prijaviti na jedan ili više oblika podrške, navedenih u okviru gornje tačke II-2. (a-d) ovog Javnog poziva, s tim da ukupan iznos obračunate podrške po svim oblicima podrške za koju su se prijavili, ne može biti veći od **2.000,00 KM**.

Utvrđeni iznos sredstava aplikantima koji budu zadovoljavali uslove javnog poziva će biti dodatno uvećan ukoliko zadovoljavaju slijedeće uslove:

- e. Privatnim preduzećima i samostalnim poduzetničkim djelatnostima čiji vlasnik/direktor pripada kategoriji „mladih“ starosti od 18-35 godina, prethodno navedeni iznosi svakog pojedinačnog oblika podrške, kao i maksimalan iznos podrške se uvećavaju za 10%.
- f. Privatnim preduzećima i samostalnim poduzetničkim djelatnostima čiji je vlasnik/direktor ženska osoba, prethodno navedeni iznosi svakog pojedinačnog oblika podrške, kao i maksimalan iznos podrške se uvećavaju za 5%.
- g. Ukoliko subjekat pripada kategoriji korisnika navedenih u podtačkama e. i f., tačke II-2 ovog Javnog poziva, predviđena uvećanja svakog od pojedinačnih iznosa podrške se sabiraju.

### III Pravo učešća

Pravo učešća u ovom Javnom pozivu za dodjelu sredstava na ime novčane podrške privatnim preduzećima i poduzetnicima, po Projektu “Siguran start”, mogu ostvariti samostalne djelatnosti u osnovnom zanimanju i privredna društva u privatnom vlasništvu, koji su:

- registrovali poslovnu djelatnost na području grada Tuzle u 2022. godini (novoregistrovani subjekti), i
- registrovali poslovnu djelatnost na području grada Tuzle u 2021. godini.

Aplikanti iz prethodnog stava će biti isključeni iz učešća u ovom Javnom pozivu ili iz daljeg postupka dodjeljivanja sredstava na ime novčane podrške, ako su u trenutku raspisivanja ovog Javnog poziva:

- krivi za davanje lažnih informacija u prijavnim obrascu, koje su preduslov za učestvovanje u pozivu za novčanu podršku ili ako nisu dostavili potrebne informacije,
- kao fizička lica u prethodne tri godine imali registrovanu djelatnost u osnovnom zanimanju na području grada Tuzle (odnosi se samo na subjekte koji apliciraju za podršku na ime novoregistrovane djelatnosti u 2022. godini),
- kao privredno društvo u prethodne tri godine imali registrovanu djelatnost na području grada Tuzle (odnosi se samo na subjekte koji apliciraju za podršku na ime novoregistrovane djelatnosti u 2022. godini),
- imali neizmirenih obaveza iz prethodno sklopljenih ugovora o odobravanju novčane podrške iz sredstava Budžeta Grada Tuzle.

Ispunjavanje navedenih kriterija aplikanti dokazuju ovjerenom izjavom koju predaju uz prijavu na ovaj Javni poziv, na propisanom obrascu Izjave.

Za dodjelu novčane podrške putem ovog Javnog poziva ne mogu aplicirati subjekti koji imaju status

javne ustanove ili javnog preduzeća, neprofitne organizacije ili drugi subjekti u vlasništvu bilo kojeg nivoa vlasti u Bosni i Hercegovini.

#### **IV Način prijavljivanja**

Prijave na ovaj Javni poziv podnose se na prijavnom obrascu kojeg je propisala Služba za ekonomski razvoj, poduzetništvo i poljoprivredu Grada Tuzle.

Prijavni obrazac sa izjavom, koji je u prilogu ovog Javnog poziva, mogu se preuzeti na službenoj internet stranici Grada Tuzle ([www.grad.tuzla.ba](http://www.grad.tuzla.ba)), kao i u Centru za pružanje usluga građanima (Pisarnica Grada Tuzle).

Uz popunjen Prijavni obrazac, aplikant je obavezan dostaviti sljedeću dokumentaciju:

1. dokaz o registraciji firme na području grada Tuzle (kopija rješenja Službe za ekonomski razvoj, poduzetništvo i poljoprivredu za samostalne djelatnosti, a za privredna društva kopija rješenja o upisu u sudski registar),
2. obavijest o razvrstavanju prema djelatnosti, izdata od Zavoda za statistiku (kopija),
3. dokaz o otvorenom računu u poslovnoj banci na koji će sredstva biti uplaćena (kopija),
4. karton deponovanih potpisa osoba ovlaštenih za zastupanje (kopija),
5. uvjerenje nadležne Porezne uprave Tuzla o izmirenim dospjelim poreznim obavezama kao i obavezama po osnovu PIO/MIO, da nije starije od 30 dana od dana podnošenja prijave na ovaj Javni poziv (original ili ovjerena kopija). Ovo uvjerenje ne trebaju dostavljati firme koji su prijavili početak rada kod nadležne Porezne uprave Tuzla 30 dana prije apliciranja na ovaj Javni poziv,
6. uvjerenje o urednom izmirenju indirektnih poreza, izdato od Uprave za indirektno oporezivanje, ukoliko je prijavljeni učesnik obveznik plaćanja PDV-a, a za prijavljene učesnike koji nisu u sistemu PDV-a, dostavlja se uvjerenje Uprave za indirektno oporezivanje da nisu u sistemu PDV-a. Uvjerenja ne mogu biti starija od 30 dana od dana podnošenja prijave na javni poziv (original ili ovjerena kopija),
7. izjava fizičkog lica, vlasnika samostalne djelatnosti, odnosno izjava odgovornog lica u pravnom licu, ovjerena u Centru za pružanje usluga građanima (Pisarnica Grada Tuzle) ili u nadležnom notarskom uredu, kojom će se potvrditi:
  - da nije osuđivan i da se ne vodi postupak po osnovu privrednog kriminala fizičkog lica-vlasnika samostalne djelatnosti, odnosno odgovornog lica u pravnom licu,
  - da kao fizička lica u prethodne tri godine nisu imali registrovanu djelatnost u osnovnom zanimanju na području grada Tuzle (odnosi se samo na subjekte koji apliciraju za podršku na ime novoregistrovane djelatnosti u 2022. godini);
  - da kao privredno društvo u prethodne tri godine nisu imali registrovanu djelatnost na području grada Tuzle (odnosi se samo na subjekte koji apliciraju za podršku na ime novoregistrovane djelatnosti u 2022. godini);
  - da će sredstva utrošiti za namjenu za koju će biti odobrena,
  - da je saglasan da u slučaju nepoštivanja odredbi Pravilnika i programa utroška sredstava, u narednih pet godina neće moći sudjelovati u bilo kom programu podrške privrednim subjektima, koji se podržava iz budžeta Grada Tuzle. (Obrazac Izjave iz podtačke 7. ovog Javnog poziva je sastavni dio i u prilogu je Prijavnog obrasca ),

8. lista za provjeru dostavljene dokumentacije.

## **V Provjera aplikacija (prijava)**

Postupak dodjele sredstava privatnim preduzećima i poduzetnicima na ime novčane podrške u smislu ovog Javnog poziva, provodi Komisija za ocjenu prijava (u daljem tekstu: Komisija), koju imenuje Pomoćnik Gradonačelnika za Službu za ekonomski razvoj, poduzetništvo i poljoprivredu Grada Tuzle.

Komisiju čine predsjednik i dva člana. Komisija za ocjenu prijava će sukcesivno nakon objave javnog poziva vršiti ocjenu zaprimljenih prijava, te će po okončanju postupka ocjenjivanja sačiniti listu o odabiru korisnika. Lista o odabiru korisnika mora sadržavati subjekte koji su ispunili uslove javnog poziva sa predloženim iznosom sredstava, kao i subjekte koji nisu ispunili uslove javnog poziva sa naznakom koji uslov nije ispunjen.

Komisija zadržava pravo da u postupku odlučivanja od aplikanta traži dodatna pojašnjenja u vezi zaprimljene prijave na javni poziv, kao i da izvrši kontrolu na licu mjesta.

Nakon okončanja postupka Komisija o svom radu sačinjava zapisnik koji zajedno sa listom o odabiru korisnika i prijedlogom iznosa novčane podrške dostavlja Službi za ekonomski razvoj, poduzetništvo i poljoprivredu.

Prilikom odobravanja pojedinačnog iznosa podrške po korisniku, ukoliko ukupan iznos odobrene podrške bude veći od iznosa raspoloživih sredstava, Komisija će proporcionalno umanjiti pojedinačno odobrene iznose podrške svim korisnicima kako bi se uskladio iznos odobrene podrške sa iznosom raspoloživih sredstava za raspodjelu.

Lista o odabiru korisnika se objavljuje na službenoj internet stranici Grada Tuzle ([www.grad.tuzla.ba](http://www.grad.tuzla.ba)) i na oglasnoj ploči Grada Tuzle.

Na osnovu izvještaja o radu Komisije i liste o odabiru korisnika Služba za ekonomski razvoj, poduzetništvo i poljoprivredu donosi program raspodjele sredstava.

Program raspodjele sredstava objavljuje se na službenoj internet stranici Grada Tuzle ([www.grad.tuzla.ba](http://www.grad.tuzla.ba)).

Detaljni uslovi korištenja dodijeljenih sredstava regulisat će se ugovorom koji će se zaključiti između Službe za ekonomski razvoj, poduzetništvo i poljoprivredu, s jedne strane i korisnika sredstava, s druge strane.

## **VI Trajanje javnog poziva i podnošenje aplikacija (prijava)**

Javni poziv je otvoren 21 dan od dana objave, tako da je zadnji rok za prijavu **12.09.2022.** godine.

Prijave na Javni poziv sa pratećom dokumentacijom dostavljaju se u zatvorenoj koverti putem Centra za pružanje usluga građanima (Pisarnica Grada Tuzle) ili preporučeno poštom na adresu:

**Bosna i Hercegovina**  
**GRAD TUZLA**  
**Služba za ekonomski razvoj, poduzetništvo i poljoprivredu**  
**Ul. ZAVNOBIH-a broj 11, 75000 Tuzla**

**sa naznakom:**

**Prijava za učešće u Programu raspodjele sredstava iz Budžeta Grada Tuzle za 2022. godinu**

**namijenjenih za podršku privatnim preduzećima i poduzetnicima  
po Projektu “Siguran start”  
- ne otvarati –**

**Također, na prijavi (koverti) ispod prethodno naznačenog teksta obavezno naznačiti na koju liniju podrške aplicirate:**

- 1. Za podršku novoregistrovanih subjekata koji su djelatnost registrovali u 2022. godini na području grada Tuzle; ili**
- 2. Za podršku subjekata koji su djelatnost registrovali u 2021. godini na području grada Tuzle.**

Za sve dodatne informacije o načinu i postupku učešća u ovom Javnom pozivu, s povjerenjem se možete obratiti Službi za ekonomski razvoj, poduzetništvo i poljoprivredu Grada Tuzle, putem telefona: 035/307-380, 307-385 i 307-387.

Želimo vam uspješnu prijavu na ovaj Javni poziv.